

CIM.SAFETY

Te Akapapu'anga kia noo meitaki te tamariki

Kare te tamariki e kanga ra me tupu tetai turanga kino kia ratou. Ka anoano'ia ratou kia kite i tetai au ravenga kia noo ratou ma te meitaki ia ratou e akarakara kimi kite aere ra (explore) i to ratou au ngai katoatoa e noo ra.

“Akanoo'ia tetai au ture tinamou. Ka tika'ia koe i te kangakanga rakau i va'o, kare ra i roto i te are.”

Te akapapu'anga kia noo meitaki te tamariki

Penei, ka ngata koe i te akapapu kia noo meitaki taau tamaiti iaia e tupu maira ma te tāmātamata i tetai au mea, mei te tauru apinga ki roto i tona va'a, i te kakekake, i te vā'i i te au ngutupa e te amirimiri i te au apinga katoatoa te ka taena iaia i te amiri. E tuanga puapinga teia iaia e tupu maira i te akarakara kimi kite aere. E meitaki atu kia akapapu'ia kia noo meitaki aiai, kia mataora aia i teia tuatau o tona ora'anga.

Me ka tupu ake te kino kiaia, kare te apii akatano iaia mei te pāpā iaia, e riro ei apii'anga meitaki nona. Ko te mea meitaki rava atu, kia akapapu'ia tona ngai e noo ra, ma te apii iaia kia akapeea aia i te noo ma te meitaki.

“E akamarama ua rai koe i te au mea vera, - no te pā'i'anga, te tunu kai anga, te vai inu, e te vai atura.”

Te au mea, penei, ka tauturu mai

“Kua oro akaātea a Ruta i tetai ra. Kua oro akapera ua aia ki tetai ngutuare i te pae mai. Kua manamanata maata matou e, i tona oki’anga mai, kua manako au i te pāpā iaia, ei ravenga i te akaari kiaia e, e angaanga kino tana i rave. Kua karanga mai aia i reira e, kua inangaro ua aia i te aravei i tona taeake, i tuku atu ei matou iaia ki roto i tona pia moe, ei ravenga kia marū mai te katoatoa. E oti, kua komakoma kapiti matou – kare ra au e manako ana e, kua kite aia e, e angaanga tarevake tana i rave.”

- Akamanako meitaki ia te au apinga te ka taena ngoie e taau tamaiti i te āro, me akamata aia i te totoro, i te aereaere, e te tuku apinga ki roto i tona va’a. Tukuna’ia te au apinga puapinga ki runga i tetai ngai teitei ma te akara meitaki aere i te au apinga rikiriki, penei ko te raoa’ia aia
- Kia tau tana au apinga kangakanga ki tona uki mataiti. E matakite i te au apinga kangakanga e au tuanga rikiriki tetai te ka ma’uti mai, me kore ra, te ka kino me katikati’ia e me ta’eta’e’ia e te uavare.
- Vao’o’ia te au apinga kemikara o te ngutuare, e te au poisini ma te au vairakau ki runga i te au kaparata teitei, me kore ra, ki roto i te au kaparata te kare e rauka i te tamaiti i te vā’i.
- Akanoo’ia tetai tuatau no te apii iaia kia tau tana ka rave. Akamarama meitaki ia kiaia te tumu i kore ei i tau kia rave pera aia i tetai angaanga ma te akaari kiaia i tetai ravenga ke. Kia rava toou akakoromaki – ka tāokioki putuputu koe i teia au apii’anga.
- Riringi’ia te vai i roto i te pakete me kua oti koe i te reira.
- Tukuna’ia te au pani ki runga i te au ngai tunu o muri i te umu ma te uri i te au mouranga o te au pani ki roto – me kore ra, tukuna’ia tetai apinga paruru takapini i te umu.
- Tukuna’ia tetai arai (gate) ki runga i te ara kakekake (stairs) e te au ngutupa me e au ngai teia e tupu ei te kino viviki pakari ki te au tamariki rikiriki.
- Maani’ia tetai ngai vairanga apinga e te vai atura, ki runga i te paruru are.
- Tukuna’ia te au apinga tutungi a’l (lighters) e te au māti ki te au ngai kare e kitena’ia e te tamariki. Apii’ia taau tamaiti kia apai tika i te au mati e te au apinga tutungi a’i tana ka kite, ki ko i tetai tangata mamaata.
- Akapae’ia mai te au apinga uira, ma te teipi i te au uaea uira e vai aere ua ra.
- Tā-angaanga’ia tetai arai a’i kia takapini i te au a’i e te au hita.

“Me rutu aia i te kiore-ngiao, e tuku koe i tona rima kia mirimiri marie i te kiore-ngiao ma te karanga atu kiaia e, ‘e mirimiri marū koe’.”

“E tuanga tinamou te akarakara kimi kite aere iaia e tupu maira. Akapapu ua ia e, te meiaki ra aia.”



S.K.I.P

skip.org.nz

facebook.com/SKIPcommunity

Te meitaki i runga i te mataara

- E mou rima korua ma te kore koe e tuku i taau tamaiti kia oro aia ki mua. Me te rave angaanga ra toou nga rima, e pati koe kiaia kia mou i taau kiri, me kore ra, i tetai ngai o toou kakau.
- Kia riro koe ei akara'anga tau meitaki. Iki'ia tetai au ngai meitaki no te tikoti ki tetai tua mai i te mataara ma te akamarama i taau e rave ra.
- E ui koe kiaia i te ngai tano tana i manako no korua i te tikoti ki tetai tua mai. E komakoma korua no te au ngai tano meitaki tikai i te tāpu no te akara meitaki i te au apinga akaoro e oro ra.
- Me ka oro taau tamaiti ki tetai ngai ke, me kore ra, ki runga i te mataara, e akapapu koe kia meitaki aia. E akaari koe kiaia i toou matakū maata no tana i rave. E akaari koe kiaia i tetai ravenga meitaki ke.
- E akakite koe kiaia i te tumu ka noo ei aia ki runga i te noo'anga i te au taime katoatoa me tuku koe iaia ki roto i te motoka.
- E maani koe i te noo'anga kia reka aia i te reira. Akamanea'ia ki tetai au apinga tapiripiri, apaina'ia tetai au apinga kangakanga ei kangakanga nana.
- E akapapu koe e, ka kite korua i tetai e tetai i roto i te i'o te ka ata ki muri, ia koe e akaora ra i te motoka.
- Auraka e akaoro vave kia oti rava tona apinga mou piri i te tapeka'ia. Me ka tatara taau tamaiti i te apinga tapeka, tāpu'ia te motoka. E akamarama koe kiaia e, kare koe e akamata akaou i te motoka, kia oti rava te apinga tapeka i te tapeka'ia.
- No te au terepu roa, akaneke'ia tona manako ki tetai au kangakanga e te imene.
- Parani'ia te au terepu roa ki te tuatau e moe ana aia, kia varea'ia aia e te moe. Me kore ra, e akaruke vave korua i te popongi mamaia iaia e varea-moe ra rai.
- E oronga koe i tetai apinga akameitaki'anga nana no tona tu meitaki, ma te akakite kiaia e, e apinga tikai aia.

“E mataora ana aia i te taomi i te pitopito i ko i te ngai tikoti o te mataara.”

“Akanoo'ia tetai taime no te apii iaia i te turanga tu meitaki.”




S.K.I.P

skip.org.nz

facebook.com/SKIPcommunity

“E akakite ua ana rai maua ki ta maua tamaiti e rua e te apa mataiti, eia’a aia e tukituki tapiri i te au ngutupa. Kare aia i marama meitaki tikai ana i ta maua e akakite atu nei e, ka riro te reira ei tāmamae nana i tona au mangamanga-rima. Kua tiki maua i reira i tetai au pi matie e kua tukituki tapiri maua i te ngutupa ki runga i teia au pi e kua akaari atu kiaia i tei tupu ki teia au pi. Kua akamarama atu maua kiaia e, ko te reira te ka tupu ki tona au mangamanga-rima. Kua tupu te manako kite poitirere kiaia i teia, e kua riro teia ei akamotu takairi iaia i te tukituki tapiri i te au ngutupa, e kua akakite aia ki tetai ai tamariki ke kia matakite ratou.

Ina ra, i tetai nga ra e rua i muri mai, kua kite au iaia i te tuki tapiri’anga i tetai meika ki roto i te ngutupa.”



S.K.I.P

skip.org.nz
facebook.com/SKIPcommunity

SKIP supports parents and caregivers
to raise their children in a positive way.

For more information go to:

www.skip.org.nz

Email: info@skip.org.nz

Phone: 04 916 3300

For more information on support for parents, go to:

<http://www.familyservices.govt.nz/directory/>



S . k . I . P

skip.org.nz
facebook.com/SKIPcommunity